

Gjaldskrá og reglur gagnaveitu HEF veitna

1. gr.

Gagnaveita HEF veitna ehf. (HEF) á og rekur ljósleiðarakerfi í sveitarfélaginu Múlþingi. HEF er heimilt að selja aðgang að ljósleiðara samkvæmt gjaldskrá og reglum þessum.

2. gr.

Eigendur íbúðarhúsnæðis í sveitarfélaginu geta óskað eftir að tengjast ljósleiðarakerfinu. Eigendur sumarhúsa og lögaðila (fyrirtæki og rekstraraðilar) á þjónustuvæðinu geta óskað eftir því að tengjast ljósleiðarakerfinu. Umsóknir um tengingar skulu berast í gegnum heimasíðu félagsins, www.hef.is, hafi fulltrúar HEF ekki þegar gengið frá samkomulagi um tengingu.

Lagnir utanhúss og inn fyrir húsvegg skulu vera í eigu HEF en lagnir innanhúss vera á ábyrgð húseiganda. Samráð skal vera við landeigendur um staðsetningu lagna og hentugustu lagnaleiðir.

Gjald miðast við áskrift og skal innheimt mánaðarlega.

Fjarskiptafélögum, er veittur aðgangur að ljósleiðarakerfinu að undangengnum samningum um m.a. gjaldtöku og þjónustu sbr. 5. gr. og 6.gr.

3. gr.

Einungis starfsmenn eða þjónustuaðilar á vegum gagnaveitu HEF mega annast útsetningu á ljósleiðarastreng, lagningu tenginga eða breytingar á ljósleiðarakerfinu.

Gagnaveita HEF tengir viðkomandi notanda við ljósleiðarakerfið að hans beiðni enda hafi viðkomandi uppfyllt eða samþykkt skilyrði þess að tengjast ljósleiðaranum. Sama á við um samninga, aðgang og tengingar fjarskiptafélaga sem þjónusta notendur með tengingum sínum.

4. gr.

Allar skemmdir sem kunna að vera gerðar á ljósleiðaranum eða búnaði tengdum honum skulu að fullu greiddar af þeim sem tjóninu veldur.

5. gr.

Gjöld notenda fyrir afnot af ljósleiðara HEF, án virðisaukaskatts eru sem hér segir:

1. Mánaðargjald fyrir heimtaug 3.335 kr.
2. Mánaðargjald fyrir heimtaug í frístundahús 2.645 kr. miðað við heilsárstengingu.
Heimilt er að jafna út kostnaði í sumarhúsaahverfum þannig að hver tengistaður greiði sama gjald óháð raunkostnaði.
3. Flutningur þjónustu á aðra heimtaug 4.025 kr., greitt af fjarskiptafélagi.
4. Virkjunargjald tengingar (kjósi viðskiptavinur að gera hlé á leigu og tengjast á ný) 10.350 kr.
5. Stofngjald/tengigjald ljósleiðara tengingar 200.000 kr. fyrir Ísland ljóstengt.
6. Stofngjald/tengigjald fyrir þá sem eru ekki innan Ísland ljóstengt er 300.000 kr. og að auki raunkostnað við að leggja ljósleiðara frá stofnstreng að tengistað. 100m heimlagningar eru innifaldir í stofngjaldi.
7. Leiga á aðstöðu í tækjaskáp HEF veitna 18.250 kr. á mánuði fyrir hálf skáparými, 36.500 kr. á mánuði fyrir heilt skáparými.
8. Stofngjald/tengigjald í frístundahúsaahverfum, fleiri en 50 hús í hverfi: 95.000 kr. og að auki raunkostnað við að leggja ljósleiðara frá stofnstreng að tengistað. 100m heimlagningar eru innifaldir í stofngjaldi.

6. gr.

Leiga á ljósþráðum innan kerfisins. Lögaðilum (fjarskiptafyrirtækjum) stendur til boða að leigja ljósþræði innan kerfisins til annarra nota en hefðbundinna heimilis- og fyrirtækjanota.

Tveir gjaldskrárflokkar eru í boði:

- 6.1** Lögaðili (fjarskiptafyrirtæki) notar ljósleiðara eingöngu fyrir eigin búnað, en selur ekki þriðja aðila aðgang að viðkomandi tengingu.

Fjöldi þráða	Stofngjald	Leigugjald kr/mán.	Skýringar
1	200.000	17.250	Óháð vegalengd innan kerfis
2	200.000	25.875	Óháð vegalengd innan kerfis

Miðað er við að ekki þurfi að gera breytingar á streng. Ef gera þarf breytingar þá bætist tíma- og tækjakostnaður við í samræmi við umfang breytinganna. Verð er án vsk.

- 6.2** Lögaðili (fjarskiptafyrirtæki) getur sett upp bylgjubúnað eða annan búnað sem gerir mögulegt að selja þjónustu til þriðja aðila um viðkomandi samband.

Fjöldi þráða	Leigugjald kr/mán.	Skýringar
1	6.555	Vegalengd miðast við loftlínu
2	8.165	Vegalengd miðast við loftlínu
3	9.890	Vegalengd miðast við loftlínu
4	11.385	Vegalengd miðast við loftlínu

Miðað er við að ekki þurfi að gera breytingar á streng. Ef gera þarf breytingar þá bætist tíma- og tækjakostnaður við í samræmi við umfang breytinganna. Verð er án vsk.

7. gr.

Gjaldskrá þessi tekur breytingum samkvæmt ákvörðun stjórnar HEF.

8. gr.

HEF veitur hafa rétt til að loka fyrir aðgang gagnvart þeim notendum sem vanrækja að greiða áskriftargjöld. Fyrirætlun um lokun ber að tilkynna með fimm daga fyrirvara. Allan kostnað af lokun og opnun skal viðkomandi notandi greiða.

9. gr.

Eftirlitsmaður HEF skal ávallt hafa aðgang að öllum búnaði eða kerfum sem tengd eru við ljósleiðara gagnaveitunnar. Húseiganda er skylt að hlíta tafarlaust fyrirmælum eftirlitsmanns um viðgerð á bilunum og sérhverjum ráðstöfunum gegn misnotkun á notkun ljósleiðarans.

10. gr.

Stofngjöld verða innheimt eftir að leiðari hefur verið lagður á tengistað.

Gjaldskrá tekur breytingum skv. ákvörðun stjórnar HEF. Gjaldskrá þessi gildir frá 22. febrúar 2023 og kemur í stað þeirrar sem sett var 1. janúar 2023.

Gjaldskráin var samþykkt af stjórn HEF veitna ehf. þann 21. febrúar 2023.

Múlaþingi, 22. febrúar 2023

Aðalsteinn Þórhallsson, framkvæmdastjóri